

ხელშეკრულებასახელმწიფო შესყიდვის შესახებN12/01

პენიტენციური სისტემის მართვა და ბრალდებულ/მსჯავრდებულთა ყოფითი პირობების გაუმჯობესება 26 02 01

ელექტრონული ტენდერი აუქციონის გარეშე

NAT210020927

ქ.თბილისი

1 დეკემბერი 2021 წელი

ერთი მხრივ, საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური (შემდგომში „შემსყიდველი“) წარმოდგენილი ეკონომიკური დეპარტამენტის უფროსის - იულია ტყეშელაშვილის სახით და მეორე მხრივ, შპს „სანიტარულ-ჰიგიენური სერვისი“ (შემდგომში „მიმწოდებელი“) წარმოდგენილი დირექტორის - მირიან გველესიანის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT210020927)ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს სპეციალური პენიტენციური სამსახურის საჭიროებისათვის სადებიზინფექციო მომსახურების გაწევა დანართი N1-ის შესაბამისად (CPV90921000 - დეზინფექციასა და დეზინსექციასთან დაკავშირებული მომსახურებები).

2. შესყიდვის ობიექტი

2.1. შესყიდვის ობიექტია სპეციალური პენიტენციური სამსახურის საჭიროებისათვის სადებიზინფექციო მომსახურება. მომსახურების ერთეულის ფასი 1მ²-ზე განისაზღვრება 0.0428 (0 ლარი და 0428 თეთრი) ლარის ოდენობით. მომსახურების გაწევის ადგილები (ჩამონათვალი) მოცემულია დანართი N1-ში, რომელიც წარმოადგენს ხელშეკრულების განუყოფელ ნაწილს.

2.2 პენიტენციურ დაწესებულებებში და სხვა შენობა-ნაგებობებში ფართები წინასწარ არ არის განსაზღვრული, ანაზღაურება განხორციელდება ფაქტობრივად გაწეული მომსახურების შესაბამისად.

3. ხელშეკრულების საერთო ღირებულება

3.1. შესყიდვის ობიექტის (მომსახურების) ფასი განისაზღვრება ეროვნული ვალუტით - ლარით.

3.2. შესყიდვის ობიექტის ღირებულება შეადგენს არაუმეტეს **31 886.00 (ოცდათერთმეტი ათას რვაას ოთხმოცდაექვსი ლარი და 00 თეთრი) ლარს.**

3.3. ხელშეკრულების 3.2. ქვეპუნქტით განსაზღვრულ ფასში შედის საქართველოს კანონმდებლობით გათვალისწინებული ყველა შესაბამისი მოსაკრებელი და გადასახადი.

3.4. შესყიდვის ობიექტის ერთეულის და საერთო ფასები, ასევე მომსახურების გაწევის ადგილები განსაზღვრულია ხელშეკრულების დანართში N-1ში (1 ფურცელი), რომელიც წარმოადგენს ხელშეკრულების განუყოფელ ნაწილს.

4. მომსახურების გაწევის ხარისხი, გარანტია, მიწოდების ვადა, ადგილი და პირობები

4.1. მიმწოდებელი იძლევა გარანტიას, გაწეული მომსახურება იქნება მაღალი ხარისხის და შესაბამისობაში იქნება ხელშეკრულებით და დანართი N1-ით განსაზღვრულ პირობებთან.

4.2. მომსახურების გაწევა უნდა განხორციელდეს 2022 წლის 1 იანვრიდან შემსყიდველის მოთხოვნის შესაბამისად (არაუმეტეს 3 ობიექტზე ერთდროულად), მოთხოვნიდან არაუგვიანეს 2 (ორი) კალენდარული დღის ვადაში.

4.3 შემსყიდველი უფლებამოსილია, მოთხოვნა განახორციელოს 2022 წლის 31 დეკემბრის ჩათვლით.

4.4. მომსახურების გაწევა უნდა განხორციელდეს დანართი N1-ში მითითებულ მისამართებზე.

4.5 მომსახურების გაწევის ადგილია სპეციალური პენიტენციური სამსახურის პენიტენციური დაწესებულებები და სხვა

შენობა-ნაგებობები:

1. N2 პენიტენციური დაწესებულება /ქ. ქუთაისი, ხარებავას ქ. ბოლო მონაკვეთი/ - საორიენტაციო ფართი 17,879.00 კვ.მ.
2. N3 პენიტენციური დაწესებულება /ქ. ბათუმი, თევდორე მღვდლის ქ. №27/ - საორიენტაციო ფართი 3,718.00 კვ.მ.
3. N5 პენიტენციური დაწესებულება /გარდაბნის მუნიციპალიტეტი სოფელი მთისძირი/ - საორიენტაციო ფართი 13,555.00 კვ.მ.
4. N6 პენიტენციური დაწესებულება /გარდაბნის მუნიციპალიტეტი სოფელი მთისძირი/ - საორიენტაციო ფართი 15,567.00 კვ.მ.
5. N8-N18 პენიტენციური დაწესებულება /ქ. თბილისი, გლდანის მე-7 მკრნ, მე-2 კმ, საორიენტაციო ფართი 40,764.00 კვ.მ., ქ.თბილისი, აბუსერიძე-ტბელის ქ. N11/ - საორიენტაციო ფართი 3,568 კვ.მ.
6. N10 პენიტენციური დაწესებულება /ქ. მცხეთის მუნიციპალიტეტი დაბა ქსანი/ - საორიენტაციო ფართი 13,289.00 კვ.მ.
7. N11 პენიტენციური დაწესებულება დაწესებულება/ქ. თბილისი გრ. ხანძთელის ქ. N3/ - საორიენტაციო ფართი 2,930.00 კვ.მ
8. N12-N16 პენიტენციური დაწესებულება /ქ. რუსთავი მშენებელთა ქ. N60/ - საორიენტაციო ფართი 20,159.00 კვ.მ.
9. N14 პენიტენციური დაწესებულება / ქ. წყალტუბო, სოფელ გეგუთის საკრებულო/ - საორიენტაციო ფართი 13,595.00 კვ.მ.
10. N15 პენიტენციური დაწესებულება /მცხეთის მუნიციპალიტეტი, სოფელი ქსანი/ - საორიენტაციო ფართი 14,533.00 კვ.მ.
11. N17 პენიტენციური დაწესებულება / ქ. რუსთავი მშენებელთა ქ. N64/ - საორიენტაციო ფართი 13,102.00 კვ.მ
12. გარე დაცვის მთავარი სამმართველოს წვევანდელთა მომზადების განყოფილება / ქ.რუსთავი მშენებელთა ქ.N60/ - საორიენტაციო ფართი 2,879.00 კვ.მ.
13. ადმინისტრაციული შენობა, ქ. თბილისი ზ.აწაფარაძის ქ. N27 - საორიენტაციო ფართი 6,435.00 კვ.მ.
14. გარდაბანი, კრწანისი, რუსთავის გზატკეცილი მე-17 კილომეტრი (სასწავლო ცენტრი) - საორიენტაციო ფართი 2,437.00 კვ.მ.
15. ცენტრალური საწყობი, ქ. თბილისი ჟორესის ქ. N10 - საორიენტაციო ფართი 542.00 კვ.მ.
16. ესკორტირებისა და სპეციალური ღონისძიებების მთავარი სამმართველო /ქ. თბილისი, ომარ ხიზანიშვილის ქ.N260 - 1,316.00 კვ.მ.

4.6 მიმწოდებელი ვალდებულია, სადეზინფექციო სამუშაოები ჩაატაროს COVID-19-ისადმი ექსპოზირებული არასამედიცინო ობიექტების დასუფთავების დროებითი რეკომენდაციების სრული დაცვით. თითოეულ ობიექტებზე უნდა დამუშავდეს ყველა ზედაპირი, რომელთანაც გააჩნია შეხება ადამიანს, სადეზინფექციო ანტივირუსული ხსნარით იატაკის და კედლების ჩათვლით. განსაკუთრებულად უნდა დამუშავდეს მაღალი რისკის ზედაპირები: მაგიდები, სკამები, კომპიუტერის კლავიატურა, მოქალაქეთა მიმღები დახლები და სხვა.

4.7 მომსახურება უნდა განხორციელდეს ამ სფეროში არსებული სტანდარტებისა და ნორმების სრული დაცვით და ასევე ჯანდაცვის მსოფლიო ორგანიზაციის, დაავადებათა კონტროლისა და საზოგადოებრივი ჯანმრთელობის ეროვნული ცენტრის, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის №01-123/ო ბრძანების „ახალი კორონავირუსით (SARS-CoV-2) გამოწვეული ინფექციის (COVID-19) გავრცელების პრევენციისა და მართვის უზრუნველყოფის მიზნით გასატარებელ ღონისძიებათა შესახებ“ და ამავე სამინისტროს რეკომენდაციების გათვალისწინებით.

4.8 მომსახურების გაწევისას მკაცრად დაიცვას უსაფრთხოების ნორმები.

5. მომსახურების მიღება-ჩაბარების წესი

5.1. შესყიდვის ობიექტი ჩაითვლება (მომსახურება) მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და ინსპექტირების აქტის გაფორმების შემდეგ.

5.2. მიღება-ჩაბარების აქტს ხელს აწერენ შემსყიდველის მხრიდან სპეციალური პენიტენციური სამსახურის ეკონომიკური დეპარტამენტის ქონების მართვის სამმართველოს უფროსი გიორგი რუსიშვილი, ან/და სპეციალური პენიტენციური სამსახურის პენიტენციური დაწესებულებების შესაბამისი უფლებამოსილი პირ(ებ)ი, ხოლო მიმწოდებლის მხრიდან დირექტორი ან/და მის მიერ უფლებამოსილი პირი.

5.3 მიღება-ჩაბარების აქტით დადასტურდება შესყიდვის ობიექტის (მომსახურება) ფაქტიური მიწოდება, ხოლო შესყიდვის ობიექტის ხელშეკრულების პირობებთან შესაბამისობის დადასტურება მოხდება ინსპექტირების აქტით.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში ფაქტობრივად გაწეული მომსახურების მიხედვით.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.3. ანგარიშსწორების განხორციელებისათვის მიმწოდებელმა უნდა წარადგინოს მიღება-ჩაბარების აქტი, ინსპექტირების აქტი, საგადასახადო ანგარიშ-ფაქტურა და სასაქონლო ზედნადები (კანონმდებლობით დადგენილ შემთხვევებში).

6.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.3. ქვეპუნქტით განსაზღვრული დოკუმენტაციის წარმოდგენიდან 10 (ათი) სამუშაო დღის ვადაში.

6.5. შემსყიდველი უფლებამოსილია დაკისრებული პირგასამტეხლოს თანხა (ასეთის არსებობის შემთხვევაში) დააკავოს მიმწოდებელზე გადასარიცხი თანხიდან

6.6. მიმწოდებელმა ანგარიშსწორების განხორციელებისათვის 6.3. ქვეპუნქტში მითითებული დოკუმენტაცია თუ არ წარუდგინა შემსყიდველს მომსახურების დასრულების მეორე დღიდან 3 (სამი) თვის განმავლობაში, მიმწოდებელი 3 (სამი) თვის გასვლის შემდეგ კარგავს გაწეულ მომსახურებაზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

6.7 დაფინანსების წყარო: **2022 წლის სახელმწიფო ბიუჯეტი.**

7. მხარეთა ვალდებულებები და უფლებები

7.1. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

7.2. შემსყიდველს უფლება აქვს:

მომსახურების მიღება/ჩაბარების დროს ჩაატაროს შემოწმება/კონტროლი (ლაბორატორიული კვლევა ან უფლებამოსილი სპეციალისტის/ექსპერტის დასკვნა) გაწეული მომსახურების ხარისხის და რაოდენობის ხელშეკრულებასთან და დანართი N1-თან შესაბამისობის დადგენის მიზნით.

7.3. მიმწოდებელი ვალდებულია:

ა) მომსახურება გაუწიოს შემსყიდველს, ხელშეკრულებით და დანართი N1-ით გათვალისწინებული პირობების შესაბამისად;

ბ) დაიცვას ხელშეკრულებით და დანართი N1-ით გათვალისწინებული ყველა პირობა;

გ) შემსყიდველს მიაწოდოს ხელშეკრულების 6.3. ქვეპუნქტში მითითებული ყველა დოკუმენტი;

დ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

7.4. მიმწოდებელს უფლება აქვს:

ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი შესრულების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.2. მომსახურების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით.

8.3. ხელშეკრულების დანართი N1-ით გათვალისწინებული რაოდენობის მომსახურების მიუწოდებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.4. ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების საერთო ვადას, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით.

8.5. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან **2023 წლის 31 იანვრის** ჩათვლით.

10. ხელშეკრულების პირობების გადასინჯვის შესაძლებლობა

10.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10.3 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

10.4 ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.

10.5 წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ და ცვლილება ხელშეკრულებაში შეტანილად ჩაითვლება მეორე მხარის მიერ ცვლილებაზე ხელმოწერის შემდგომ.

10.6 ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევის შესაბამისი დროით, გარემოებათა დასრულების შემდეგ.

11.2. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.4 ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოს მიერ.

12. ხელშეკრულების ინსპექტირების პირობები

12.1. შემსყიდველი უფლებამოსილია განახორციელოს ინსპექტირება შესყიდვის ობიექტის მიწოდების პერიოდში ან შემდგომ.

12.2. ინსპექტირებისას ხილვადი დეფექტის, ნაკლის აღმოჩენის შემთხვევაში ინსპექტირების განმხორციელებელმა უნდა შეადგინოს ინსპექტირების აქტი და წარუდგინოს შემსყიდველს შემდგომი რეაგირებისათვის.

12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით აცნობოს მიმწოდებელს აღმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება ან შეცვლა.

12.4. ინსპექტირების აქტის საფუძველზე საჭიროების შემთხვევაში ჩატარდება მოწოდებული შესყიდვის ობიექტის ექსპერტიზა.

12.5. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

12.6. შემსყიდველის მხრიდან ხელშეკრულების შესრულების ინსპექტირებას განახორციელებენ სპეციალური პენიტენციური სამსახურის ეკონომიკური დეპარტამენტის ქონების მართვის სამმართველოს უფროსი გიორგი რუსიშვილი ან/და ამავე დეპარტამენტის ინფრასტრუქტურული განვითარების სამმართველოს I კატეგორიის უფროსი სპეციალისტი მირიანი მთიბელაშვილი ან/და ამავე დეპარტამენტის მომარაგების სამმართველოს შტატგარეშე მოსამსახურე მალხაზ ბედელური ან/და სპეციალური პენიტენციური სამსახურის პენიტენციური დაწესებულებების შესაბამისი უფლებამოსილი პირ(ებ)ი.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება;

ბ) მიმწოდებელს არ შეუძლია ხელშეკრულებით გათვალისწინებული რომელიმე ვალდებულების შესრულება;

გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ;

დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას;

ე) ხელშეკრულების ვადის გასვლის საფუძველზე;

ვ) ურთიერთშეთანხმების საფუძველზე.

13.2. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობით დადგენილი წესით.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. ხელშეკრულების ნებისმიერი ცვლილება ან დამატება შედგენილ უნდა იყოს მხარეთა მიერ ელექტრონული ფორმით.

16. მხარეთა რეკვიზიტები

შემსყიდველი	მიმწოდებელი
საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება - სპეციალური პენიტენციური სამსახური მის: ქ. თბილისი, ზ. ანჯაფარიძის ქ. N27, საიდენტიფიკაციო კოდი: 205360223, სახელმწიფო სახაზინო კოდი: TRESGE22, ა/ა GE24NB0330100200165022 ეკონომიკური დეპარტამენტის უფროსი /იულია ტყემელაშვილი/	შპს „სანიტარულ-ჰიგიენური სერვისი“ მის: ქ. თბილისი, შ. ნუცუბიძის ფერდობი, მიკრო/რაიონი IV, კორპ. 21; ბინა 59 საიდენტიფიკაციო კოდი: 405253924 საბანკო რეკვიზიტები: სს „საქართველოს ბანკი“ ბანკის კოდი: BAGAGE22 ა/ა GE64BG0000000100610774 დირექტორი /მირიან გველესიანი/

ფასების ცხრილი				
N	მომსახურების გაწევის ადგილ(ებ)ი	სადეზინფექციო მომსახურების გაწევისთვის საერთო საორიენტაციო ფართი (კვ.მ)	1კვ.მ ღირებულება (ლარი)	მომსახურების ღირებულება სულ (ლარი)
1	N2 პენიტენციური დაწესებულება /ქ. ქუთაისი, ხარებავას ქ. ბოლო მონაკვეთი/	745,000	0.0428	31,886.00
2	N3 პენიტენციური დაწესებულება /ქ. ბათუმი, თევდორე მღვდლის ქ. №27/			
3	N5 პენიტენციური დაწესებულება /გარდაბნის მუნიციპალიტეტი სოფელი მთისძირი/			
4	N6 პენიტენციური დაწესებულება /გარდაბნის მუნიციპალიტეტი სოფელი მთისძირი/			
5	N8-N18 პენიტენციური დაწესებულება /ქ. თბილისი, გლდანის მე-7 მკრნ, ქ.თბილისი,მე-2 კმ, თბილისი, აბუსერიძე-ტბელის ქ. N11/			
6	N10 პენიტენციური დაწესებულება / ქ. მცხეთის მუნიციპალიტეტი დაბა ქსანი/			
7	N11 პენიტენციური დაწესებულება დაწესებულება/ქ. თბილისი გრ. ხანძთელის ქ. N3 /			
8	N12-N16 პენიტენციური დაწესებულება - /ქ. რუსთავი მშენებელთა ქ. N60/			
9	N14 პენიტენციური დაწესებულება / ქ. წყალტუბო, სოფელ გეგუთის საკრებულო/			
10	N15 პენიტენციური დაწესებულება /მცხეთის მუნიციპალიტეტი, სოფელი ქსანი/			
11	N17 პენიტენციური დაწესებულება /ქ. რუსთავი მშენებელთა ქ. N64/			
12	გარე დაცვის მთავარი სამმართველოს წვევანდელთა მომზადების განყოფილება/ ქ.რუსთავი მშენებელთა ქ.N60/			
13	ადმინისტრაციული შენობა, ქ. თბილისი ზ.ანჯაფარიძის ქ. N27			
14	გარდაბანი, კრწანისი, რუსთვის გზატკეცილი მე-17 კილომეტრი (სასწავლო ცენტრი)			
15	ცენტრალური საწყობი, ქ. თბილისი ჟორესის ქ. N10			
16	ესკორტირებისა და სპეციალური ღონისძიებების მთავარი სამმართველო /ქ. თბილისი, ომარ ხიზანიშვილის ქ.N260			
ჯამი:				31,886.00